



39276

Mog. St. D. P

Fol. 306r.

Ignatii Officium pie-  
tatis Patri et Patriarchae  
Ord. Frat. N. M. V. de Monte  
Carmeli Divisionis. Etiae ora-  
tione panegyrica exhibitum.



P  
C

In

M  
in  
Ph  
Gr

238



**OFFICIUM**  
**P I E T A T I S**  
**PATRI & PATRIARCHÆ**  
Ordinis Fratrum B. V. M. de Monte Carmeli  
**D I V I N I S S I M O**  
**E L I Æ**  
**ORATIONE PANEGYRICA**

Anniversaria suæ festæ diei luce  
In Ædibus Celeberrimi Conventus Sacratissi-  
mi **CORPORIS CHRISTI** ad Posaniam,

per

**M. IGNATIUM OCZYKOWSKI**  
in Alma Universitate Cracoviensi AA LL. &  
Philosophiæ Doctorem, Ejusdemque & Scholæ  
Grammatices in Academia Posnan. Professore.

Annô Domini 1768.

**EXHIBITUM.**





39276  
I br.

de  
m  
ess



*Admodum* REVERENDO

ac

*Eximio in Christo* PATRI

ALBINO

à SANCTO CASIMIRO

Sacrae Theologiae LECTORI Jubilato  
PROVINCIALI ac DEFINITORI Generali.

*Admodum Rdo in Christo* PATRI

PRIORI,

Cum sua Venerabili Communitate

Ordinis Fratrum B. V. MARIAE de Monte Carmeli,

Strictioris Observantiae

Celeberrimi CONVENTUS ad Posnaniam

Sacratissimi CORPORIS CHRISTI

PATRONIS AESTIMATISSIMIS.

*Quanta animum meum perfusum fuisse voluptate recor-  
dor, quum Sancti Patris & Patriarchae ELIAE factorum  
memoriam de Cathedra celebraverim, tantâ me affectum  
esse lætitiâ in præsentia, velim credite, cum hæc omnia,*



laudum Ornamenta in Eum congesta, in publicam lucem  
prodita, Sacerrimo Ordini Nominiq; Vestro nuncupanda  
ac offerenda steterim, **ADMODUM REVERENDI**  
**ac EXIMII in CHRISTO PATRES.** Delibera-  
tum enim mecū habueram, non hæc referri posse ad quem-  
piam alterū, nisi, qui magnam omnibus in rebus rationem  
dignitatis ducat, nihilq; ab ea sejunctum & alienum co-  
gitet. certū esse in animo decreveram, non cuiquam al-  
teri laudationem alicujus debere esse, nisi qui ipse laude  
dignus existat, & honoris gradu teneatur. Et bene: nec e-  
nim commodius unquam mihi consuluisse posse adverto,  
modò Vos Viros integerrima Vitæ Sanctitate præditos,  
præstantiâ probitatis ornatos, omni Virtutū laude cumu-  
latissimos, in rebus agendis dexteritate & prudentia in-  
structissimos, operæ meæ Fautores habeā, & Speculū Ju-  
stitiæ **ELIAM DIVINISSIMUM** in Vobis apparere  
velim. Non potest namq; accuratius laudandū esse genus,  
quàm Patris in Filiis, Filiorum in Patre; Filiorum autē  
piissimorum, Filiorum Religiosissimorum; è quorum nu-  
mero ut venerando præteream silentio Christianæ Rei-  
publicæ Moderatores & Supremos Arbitros, Vicariam  
Christi in Terris potestatem gerentes, ut missos faciam



tot Viros Sacrae Vaticanae Purpuræ splendore conspicu-  
os, ut taceam plurimos Patriarchas, Antistitesq̃, Sacro-  
rum, ut non eloquar absq̃; numero Doctores & Patres  
vitæ Sanctimoniâ celeberrimos, pro Veritate Fidei sup-  
plicium mortis subeuntes, pro Christi confessione strenuè  
dimicantes, & summa alacritate, vario læti genere, ani-  
mas linquentes; Quos Sacratissima VESTRUM genuit  
Religio: Sufficit mihi fama Tua, quæ non tacitè serpit  
per Orbem Polonum, quæ percrebrescit per Amplissimam  
æquè ornatissimam Nomini Sanctissimæ Hostiæ Christi  
Sacram Provinciam Majoris Poloniae, PROVINCIA-  
LIS DIGNISSIME, cujus meritorum de Ecclesia  
DEI & Sanctissima Religione nullam partem non modò  
dicendo, sed ne cogitando quidem assequi possẽm. Non re-  
voco itaq̃; in memoriam Tuam vitæ Religiosæ princi-  
pium, idem ac virtutis specimen, quod sibi omnes docu-  
mento sumant, imitatione exprimant; non adduco cæte-  
ros, per gradus in Sancta Religione labores, quos dili-  
gentissimè subiisti, exactissimè sustulisti, non voco in me-  
dium oblatum Tibi in præmium meritorum Munus Pri-  
oris Trutoviensis, quod per sex annos præclarè gessisti.



*Ista enim, non modò hæc pagina, verùm & ampliora non commodè possent capere folia. præsens solum Officium Supremi Provinciæ totius Arbitri cùm mente prehendo, summa omnia in Te video, video sapientiam & perfectionem omnimodam, sanctimoniam vitæ, gravitatem morum ingentem apud Ornatissimos Viros Auctoritatem, perfectissimum in suos Imperium honestæ benevolentiae junctum: quæ omnia tantam Tibi collegere gloriam, tantam confecere existimationem, ut non dicendum mihi sed potius mirandum sit, & ut ad majorem Ordinis decorem Religionis Sanctissimæ Ornamentum & præsidium quam diutissimè vivas, optandum.*

*Simulatq; cùm cæterum Sacerrimæ Familiæ Tuæ conspiciam cætum, Superùm fidem appello! quanta probitate, pietate, sapientiâ, constantiâ omniq; virtutis genere intueor Viros. Enim verò si percenserem singillatim Admodùm Reverendos in Christo Patres CY-  
PRIANUM à S. GERARDO S. T. Lect. JUBI-  
LATUM. CLEMENTEM à S. ANDREA  
CONCIONATOREM JUBILATUM. FLO-  
RENTIUM à S. THELESPHORO CONCIO-  
NA:*



NATOREM JUBILATUM. THIMOTHE-  
 UM à S. CONSTANTINO S. T. L. & JUBILA-  
 TUM. Dignissimos Provinciæ DEFINITORES.  
*Viri sunt Illi, quorum excellentissimæ dotes, Virtutum*  
*incrementa omni opinione majora. Si non sinerem*  
*predicare Admodum R. d. in Christo Patrem*  
 LUDOVICUM à S. HIACYNTHO A. Ri-  
 matissimum PROVINCIAE SECRETARI-  
 UM, Ille est, *cujus merita (a) & cujus labores in Sa-*  
*cræ Religione, ampliore pagina notari poscerent. Si*  
*non tacerem Adm. R. d. in Christo Patrem BE-*  
 NEDICTUM à S. IGNATIO, PRIOREM Cele-  
 berrimi Conventus istius, Venerandissimum. Il-  
*le est in Quo utiq; videtis omnes lumen Animi, ingenii*  
*singulares dotes, exemplum pietatis in DEUM, ampli-*  
*tudinem meritorum in Religionem. (b) in quo præstan-*  
*tem benevolentiam, excellentem humanitatem placidam*  
*omnibus affabilitatem observatis. Si referrem Adm.*  
*R. d. in Christo Patrem HENRICUM à S. JO-*  
 ANNE *Vices in regenda ista Clarissima Domo geren-*  
 rem,

(a) Priorem egit Conventus Oborien: Annos 6. (b) Offici-  
 um Secretarii Provinciæ præclare gessit.



tem, atq; Adm Rdu in Christo Patrem SIMO-  
NEM à S. NORBERTO. *Illi sunt, quibus nihil inesse  
dicendū, nisi omni numero perfectissimū, omniq; parte ela-  
boratum. Si loquerer Adm. Rdos in Christo PP.  
PHILIBERTUM à S. MARCO, ANGELUM  
à S. BENEDICTO, Sacrarum Littterarum studiō &  
doctrinā EXIMIOS VIROS. Sunt illi in quibus Sa-  
pientia humilitati, Modestia gravitati junctæ, ac ali-  
arum eximiarum dotum multitudo palam eminent. Ver-  
bō loquar: si Vestrū Omnium Viri Ornatissimi sin-  
gulari modō in medium vellem vocare Res sapientissi-  
mè, piissimè, religiosissimè gestas, & earum præconia,  
fallar prorsus necesse puto. Vivite ergo felices longæ-  
vos in Annos verè cultui DEI augendo Nati, Religioni  
Sacerrimæ subsidio; Orbi Universo commodo, Famā  
virtutum & gloriæ Vestræ vivite.*

ita precatur

Sacerrimi Ordinis Vestri

Devinctissimus Cultor

A. O.





# S E R M O.



Eminem ignorare arbitror AA. quid sit, quòd ego hunc tam excelsū, tamq; illustrem in confessu Vestro occupem locum: redire enim solet anno ver-  
tente illa dies, qua solennis ELIÆ DIVINISSIMI, longè lateq; Christi-  
anum per Orbem, singulariori tamen modo intra lucos Sacerrimorum Filiorum Ejus, magna cum cæremonia & religione celebratur feria: qua, non tristis è vita discessus, ast felix cum carne in vi-  
tam illam beatam, omni deliciarum genere abundan-  
tem, introitus memoria colitur: qua Ipsi cultus à No-  
bis Academicis quotannis in isthac Divi Jagiellonis Domo, honori Sacrosancti Corporis Christi dicata, li-  
cèt non pro Ipsius dignitate, pro virium tamen No-  
strarum tenuitate, tribuitur, exhibetur. Quidni enim-



verò occupare, & faciendi Vobis coramverborū provinciam vindicare debeam, cum fama hæc fellæ diei suæ non idcirco solum emanarat, ut esset perspectum nobis Ipsum sanctissimè vixisse, vitam totam in servandis Mandatis Divinis, & adducendorum ad Dei cognitionem impiorum hominum ardore transegisse, ac etiam plenū gratia Illius extitisse; verum, ut nemo reperiretur tantum à mente abesse, tanta atrocitate astringi sceleris, qui tam plurimis Virtutum & sanctimonix Ejus testibus & documentis evidus, magnificas laudes Illi, Qui Cælum atq; Terram tuetur, non dicere, Patriarchæ Sancto ad debitum justumq; præstandum honorē non prorumpere, vestigia Illius non velle imitari, opem ad conciliandam Gratiam Divinā non implorare auderet? Ac proinde maximas D E O ferre gratias debemus; quòd tantum elegerit Virum, ex Quo Illi finē modo & sine gloria: ex Quo Universæ Curix Cæli gaudiū & exultatio lingua humana enarratu difficilis, ex Quo Nobis in hac lacrymarum valle degentibus tutissimum præsidium & singulare Patrocinium. Velle etiam Deum O. M. uti Remuneratorem Æquissimum honorari sibi Electos, quis non videt? quis rationis compos non asserit? nemo proceratò arbitrari aliter potest, nisi is sortè qui omnia in pondere & mensura non administrari temerè balbutiat, qui Æquitatem Increatæ, Perfectissimæ, æquæ ac Sapientissimæ Naturæ deesse profiteatur, qui deniq; nullum Numen Divinum prædicet. Cùm verò Istius Servi Dei spectemus merita ad sequenda vestigia Illius ratio naturalis permovet: si enim sagitta fertur ad præfixum scopum, si tenues paleæ surgentem ad Zephy-



phyrum jactantur, si gravia quævis suo pōdere in ter-  
ram corruunt atq; labuntur, verbo: si omnia suo po-  
tiri deliderāt appetuntq; sine? quomodo intellectu, quō  
nihil sublimius & excellentius in rebus, præditi, pos-  
semus non illuc conferre mentes Nostras, consilia No-  
stra, cogitationes omnes, ut pro Cœlitum æmulatione  
Deum laudemus ut Deū, Ei serviamus, ad Eum ju-  
diciū & rationem advertamus? Nihil defacto aliud  
erit vestigium & memoria vitæ ELIÆ, quam finis isti  
us, ad quem creati sumus, appetitus: nam, non aliter  
nisi agendo Justitiam hunc Nos finem appetere posse,  
spero Vestrum assensum. Implorandū deniq; opem E-  
LIÆ, idem etenim est, Qui fuit semper ut ad omnem  
projectus justitiam, sic paratus ad impetrandum omni-  
bus desuper favorem, & opem largiendam præsto ad-  
est, nec hoc sibi reliqui facit, ut in asperis nec ad vo-  
luntatem Superū fluentibus rebus, cum manifestō te-  
neatur, absit auxiliō, & earum felicem exitum non  
efflagitasse videatur.

Quamobrem AA. gaudeo vehementerq; lætor me  
in locum assurrexisse istum, gaudeo inquam usq; adeo,  
ut conceptam animo lætitiā Vobis palam testari non  
dubitem, quippe, cui magna offertur dicendi uber-  
tas, magna facultas & facilitas obvenisse videtur. Nam  
si elevem diligentius in ELIAM mentem, idem est, ac  
de omni virtute cogitem, si convertam in ELIAM o-  
culos, idem est ac innocentiam videam, si curam lau-  
dationi ELIÆ intendam, idem est, ac Justitiam laudē.  
Justitiam itaq; laudabo, laudans ELIAM DIVINISSI-  
MUM, cum hunc esse adverto, qui nihil egit, quod o-  
mnium non ornaretur laudibus, quod non omnes Viri



æquissimi in ore animisq; haberent, de quo sermonē nemo nisi cum admiratione virtutis institueret, quod in una non includeretur Iustitia. Et cum ita sit, meritō Iustitiæ speculum dicendus ELIAS DIVINISSIMUS, in quo relucet universa, quæ ad propagandū honorem Divinum requiruntur, quod alterā: In quo videntur hæc omnia, quæ ad felicem reddendum hominem exigī possunt, quod alteram orationis constituet partem. PATRIARCHA DIVINISIME hæc erit laudum Tuarum congeries, hæc digesta ex meritis & laboribus messis, illud à me tributum, suscipe illud, si verò non illud, bonā saltem voluntatem habeto, quæ nullam magis gratam existimo fore Tibi victimā. Vobis AA. ut melius istud Iustitiæ speculi præsentetur, & pellucidius illud videatis, quæso Vos, ut laxit benevolentia Vestra, me illud proponentem Vestro obtutui immotīs aspicere oculis, & Vos illud non interruptā velle pupillā speculari.

**J**ustitia est, in qua Universam laudationis ELIÆ structuram hodie constituendam decrevi AA. Iustitiam inquam in ELIA DIVINISSIMO declarare adverti, quæ, si crebrius inquisieritis, quid sit? magnum & sufficiens quiddam puto fore pro commendatione & gloriā Prophetæ Divinissimi, imo tantum: ut illi condignè celebrandæ orationem absq; stupore & admiratione non esse oportere iudicem. Hæc etenim intaminātis fulgere honoribus omnium voce dicitur, ac ejusdem esse excellentiæ, ut illius nomen semper absq; sine sequatur ætimitio, omnisq; cultus & laudationum panegyres comitentur. Illa utiq; omnige-

ge  
pr  
n  
ve  
an  
pr  
ina  
res  
pro  
bec  
qu  
tiu  
vir  
Dec  
tiam  
hæc  
tate  
tar  
tant  
stabi  
ego  
dux

nec  
tave  
hinc  
anim  
care  
nunt  
præf  
ELIA



genarum Virtutum præstantissima nutrix ac omnium  
præclarissima, nonne moderatrix rerum, malorū do-  
mitrix, bonorum præsidium, injuriarum propulsatrix,  
verbo: omnis boni thesaurus? nonne illa, qua cæteræ  
animantur virtutes esse cognoscitur? Hæc est Divina  
præcepta fervare, ac amore Nominis Ejus custodire  
mandata, certare pro legibus, justa præcipere, bene  
res gestas præmiare, delicta punire, bonum comune  
propriò præferre, pericula & mala arcere legibus o-  
bedire, commodum alterius pro viribus promovere.  
quibûs: potest ne aliquid laudabilius, aliquid excellen-  
tius dari in rebus humanis? Idem hæc esse probatur ac  
virtus illa quæ tribuit unicuiq: propriam dignitatem,  
Deo obedientiam, sibi Sanctimoniam inimico patien-  
tiam, egeno operosam misericordiâ tribuit. Habitus  
hæc est: secundum quem constanti et perpetua volun-  
tate jus suum unicuiq: datur, vel ut breviori com-  
pletur compendiò, Speculum, est in quo univæse repræsen-  
tantur Virtutes. Hoc ergo est quod magnitudine præ-  
stabile genere singulare affirmetis; oro, hoc est, quod  
ego Vobis in ELIA Dno à prima vitæ ratione esse  
duxi proponendum.

Ut res melius intelligi possit, non dubito, quin sit  
necessarium animi sensum exprimere, quomodo quan-  
tave ratione Justitiæ speculum dicatur ELIAS; &  
hinc speculi acceptionem, ejusq: vim necessariò exigi  
animadverto. Hæc itaq: non quid aliud vult signifi-  
care, solum id, in quo relucet ea, quæ ipso palam po-  
nuntur, id in quam, in quo videntur ab aliis, quæ re-  
præsentantur ab eo. Cum ergo Speculum Justitiæ esse  
ELIAM propositum habuerim, talem aliàs, in quo uni-



versæ relucent virtutes. statim in Eo cæteris prætermis-  
sis, hæc omnia, quæ ad majorem gloriam DEI pro-  
pagandam, cultumq; augendum requiri videntur, præ-  
senti argumento videre appropero.

Antequam ad hæc declaranda orationem meam con-  
feram, investiganda esse prius censeo, quæ in eo mu-  
nere pro dignitate elaboranda essent, hæc verò non a-  
lia futura præsentio, nisi cum homini Divina quædam  
virtus est & autoritas, vitæ & morum integritas,  
flagrans augendi honoris Dei desiderium, æque cona-  
tus ut ubivis gentium & Terrarum uni ei q; vero Numi-  
ni Divinus præstetur cultus & veneratio: Enim verò  
quomodo non assentiri possemus qui ratione regimur  
ut cum DEUS sit ipsissima Justitia, ex ea non habeat  
cultum, ea q; coli non disideret? quomodo mentes No-  
stras ejusmodi subiret cogitatio, ut Ille cujus perfe-  
ctissimum in res omnes imperium æternitate conti-  
netur, Qui rectò institutis judiciò se ac suam polli-  
citus gratiam daturum, juvamenq; & auxilium in di-  
ligentiùs exercenda probitate largiturum, glori-  
am sibi ab ea non esse & non exigi diceretur? Insuper  
cum certo sciamus manifestòq; rem aliquantulum pri-  
us auditam habeamus, hocce justitiæ nomen, in omnia  
quæ tantum mente concipi, intellectu comprehendì  
& colligi possunt, bona infundi, in omnibus, quæ tan-  
tum pro Præpotentis Numinis honore dici vel cogi-  
tari queunt, contineri, singulis qui magni faciunt lau-  
dem Ejus; proprium esse, quibusvis quorum animus  
terrena despexit aut despicit, cælestia verò contem-  
platur vel desiderat tribui semper. Pro certo augetur  
gloria Dei multum, ampliatur plurimum, propagatur  
suffi-



sufficienter satis ab homine justo, illi namq; non solum offensa Supremi Numinis procul abesse sivevit, sed etiam peccatum summopere à suis cogitationibus refugit. Enimverò extinctâ justitiâ non jam virtutum aliquarum monumenta reperiri posse, sed monstra ex omni vitiorum sece & colluvione concreta videri, ipsam dominari libidinem, ea præmia quæ virtutibus proposita erant, vitiis deferri; Regna, Senatûs, Urbes & pagos acerbissima teterrimorum Tyrannorum oppressione teneri, credendum & affirmandum est. Hinc quæso, considerate Vobiscum, quantam ignominiam, quantum opprobrium pariat Supremæ Majestati opposita Justitiæ iniquitas, cumq; oppositorum eandem esse rationem compertum habeatis, tum certè dicendum restat, ipsius Justitiæ præsidio atq; subsidio DEI immortalis gloriam unicè propagari. Justus defacto in utraq; positus fortuna augeri cultum Illius ex animo vellet, ubiq; honorem promoveri curaret, adeò, ut si etiam (quod fieri non posse crediderim) inferorum carceri intercluderetur, & ibi ab eo laudari Deum velle non dubitem. Quanquam enim singulari Numinis Beneficio Ætas Nostra Tiberios Caligulas, iniquissimos nequaquam habeat Neronas, quorum Nomina propter iniquitatem nec mentionem suam promereri deberent, ni necessitas ad declaranda ea quæ proposui, postulare videretur, prodest tamen scire, quomodo sub Illis Viri Justi vixerint, qua ratione vitia eorum tulerint aut castigaverint, ut neq; intempestiva libertate utentes vitam suam in periculum abjecerint, neq; fæda ac probrosa laudantes placere sibi ullam turpitudinem ostenderint, ut martyrium milleni  
subie-



tubierint, testamentumq; fidei sanguine confirmarint? ex quibus, quantum gloriæ, quantum honoris sit DEO, O. M. quis est tam imperitus rerû, tam sceleratus, qui intelligere unquam posset ac vellet? Fixum destinatumq; paulo ante esse volui ad laudem Divinam multiplicandam alterum, innocentiam tueri, alterum immanem nefarii patrandi sceleris atrocitatem revereri, alterum omni virium conatu velle ut Divinum Nomen condignis laudationum vocibus ornetur, efferratur, atq; hæc esse ab Arbitrio vestro probationem assensumq; fore mihi confido, non enim quenquam esse intelligo, qui ea justitiæ nomine non appellet, non verò tantum nomine, sed re ipsa justitiam esse insiciatur. Sapientia utpote Vestra, illud quod ego vel brevitati studens, vel ob angustias temporis aut dimidiò tantum dixero, aut solum innuero, aut etiam prætermisero, sagacissima cogitatione persentire & intelligere utinam velit.

Nunc tandem temporis ratione spectata, ad statum rei nostræ redeundum. Compertum habemus quo modo propagari possit Cultus Divinus, & procurari tantum, ut neq; magis à quopiam possit. Fecit ne etiam ELIAS ita? gessit ne ita, ut in eo universa ea quæ ad cultum Divinum augendum requiri videntur, reperiantur & reluceant? Ab omni memoria noluit ELIAS (date fidem) ut honoris Divini causâ non libenter & celeriter id efficeret quod suscepit atq; advertit velle DEUM; Fecit omnino ita, hoc tantum operatus est, quod esset ad Justitiam, id modò desideravit, quò innocentia tuta permaneret, istud appetiit, quod omnibus ad vitam rectè ducendam præscivit ne-

cessa-



rint?  
DEO,  
ui in-  
fina-  
mul-  
im-  
reri,  
No-  
tera-  
n af-  
esse  
n ve-  
ficia-  
bre-  
nidiō  
eter-  
celli-  
sta-  
quo  
rari  
eti-  
quæ  
, re-  
it E-  
n li-  
; ad-  
m o-  
fide-  
etiit,  
t ne-  
fa-

cessarium, tale enixis anhelabat votis, quod Gloriam  
allaturum esset in Excelsis DEO: Certè Speculum est!  
Contendite modò in eo videre quæ videnda necesse  
esse ratio rei præsentis exigit. Videte an non omni  
tempore vixit ad Justitiam? dum ortus de Aaron Tri-  
bu semper vero Numini sacra ac fidelissima, & quæ  
quousq; à vivis non defuerit ad sacrificium hostias Il-  
li præbere meruit, adeò, ut non alterius generationis  
quispiam præstare id posset; hanc cum vita accepisse,  
supponitur, in exercendaq; indies magis ac magis  
omnimodam curam habuisse; certò affirmatur, cum  
Viris æquissimis tantum conversatum fuisse, comper-  
tum habetur; quod cum velut delphicum Oraculum  
esse dicatur? Justum ELIAM DIVINISSIMUM appel-  
landum statim putetis; nam, neutiquam iniquo homi-  
ni placere conversationem cum beatis credendum est.

Pono rem istam in medio Vestrum AA. Vosq; dicite mi-  
hi, oro, quomodo sentiat, quam rationem assignetis  
impulisse ELIAM DIVINISSIMUM ad vitam agen-  
dam in deserto, in loco à communione hominum re-  
moto? at meritò Vos jam assentiri animadvero, nihil  
præterquam Justitiam aliud, nam eò propter servan-  
dam perrexit innocentiam, ibi umbram tantum homi-  
nis habuit, & quotidianis jejuniis emaceratum cor-  
pus velut ex aère formatum, aut aura cælesti passum  
videbatur. In illa vita Angelica in illa contemplati-  
one rerum cælestium, summopere dolens offensam DEI,  
unicæ solùm orationi vacabat, id tantum ardenti spi-  
ritu exigebat, ut cæli & terræ Creator, omnia nutu  
regens, aliis gratiam sufficientem, ut peccatum cave-  
rent, aliis ut ab eo resipiscerent, concederet. Cum



verò pēnitus cognovērit, & compertum habuērit pē-  
tinaciæ studiō in statu nefando existere, ac depellere  
de suscepta voluntate nolle impiorum hominum ge-  
nus, cui nil vērī, nihil sancti, nullus DEI metus, nul-  
la religio; voluit illud affici supplicio, desideravit illud  
puniri in tempore ne æternum inferorum pænæ addice-  
retur, animarumq; suarū dētrimentum caperēt. Quid  
hinc inseritis Vobis AA? Ardentissimum honoris Divi-  
ni desiderium inferendum; cū non tantū non offendi  
DEUM conatus ēst, sed ut conversi laudarent Eum &  
prædicarent, ne ab Ejus visione amoti, scelesti lingua  
Eum lacefferent, cupiditate flagravit. Advērtens au-  
tem totam jam cum Principibus suis Samariam ad Cæ-  
los versus conspirasse impudentiūs.; nequaquam ab  
improba peccandi consuetudine resipuisse, nec ad cu-  
ram sempiternæ salutis se se revocasse, nec à vitæ pra-  
vitātē à cultuq; dæmonis abduxisse animos; & reco-  
gnoscens, parum esse ad Justitiam, dolere tantū Divi-  
nām injuriam, & non vindicare eandem ex virium sa-  
cultate, irrumpit impetu in Achabum Regem, & sinē  
respectu Majestatis exprobrat crimen & vitia, repre-  
hendit & exagitat scelus, verbis vehementioribūs in-  
crepat, defectum à fide & religione acerbè castigat, &  
ut desertorem Veri Numinis execratur. Expertus de-  
mum vanam esse nihilq; objurgationem valere, con-  
versus est ad suppliciorum variorum flagella, ut hīs  
admonentibūs, Illi falsorum Numinum Cultores ad  
veri DEI præceptorum observantiam reducerentur.  
O amorem honoris DEI! O Justitiam! fateamini, AA.  
Vidit enim omnia sacra conculcari, eamq; venerati-  
onem quæ vero DEO deberetur, in fictas commenti-  
tiorum Deorum imagines Baal & Belzebub impiè  
trans-

transferri; cælestium rerum contemptum, & maximam quæ Divinæ Majestati irrogari poterat, esse contumeliam vidit, vidit cum neglectu & contemptu Veri Numinis conjunctam pariter esse perditionem Animarum. O ELIAM DIVINISSIMUM! quomodo appellandum putem? nescio, Dicamne Apostolum? dicam; cum studium honoris & gloriæ DEI perpendam diligentius, dicam Patrem & Patriarcham, cum Sacerdotes conspiciam Filios, dicam Prophetam, cum ad certissimam futurorum prædicationem aspectum referam, appellabo Martyrem, cum victum cultumq; asperiores & flagrans mori pro DEO desiderium fuisse indies, notum habeam, vocabo Virginem, cum integerrimam vitæ sanctitatem observem mente & animo. O ELIAM! iterum atq; iterum dico, Justitiæ speculum.

Verum pauca sunt quæ dixi, majora dicenda superfunt pro evidentia propositæ rei, sed interim, quid Vos ad hæc? AA. nonne jam videtis universa in Eo quæ spectant ad gloriam DEI augendam? Parumne cum illi, illi Divinioris doctrinæ expertes quorum Animi errorum tenebris obvoluti, ea quæ Divinitus affulsi æternæ veritatis luce carentes, & carere desiderantes, cultui falsorum dediti, Baal; & Belzebub Deos venerantes, semper arguebantur ab ELIA sceleris, & avertebantur ab errore pristinisq; studiis? Parumne cum rorem cælestem & pluviam illis interdixerit, ut facilius ad cognitionem Veri Numinis cultumq; Religionis desertores illius flecteret, cum supra naturæ vim & ordinem multa & miranda opera effecerit? ex quibus tanquam Divina virtute patratis, etiam si verum



ignorassent Deum, ad cognitionem Ejus devenire potuissent, quæ, nec proferri in medium oportere cenſeo, quòd singulis Vestrum nota esse existimem. Parumne cùm Ochoziæ Regi Filio Achabi præter Paternos, etiam Deo Accaron præcipuum cultum præstanti, per Sectæ suæ interpretes legationem ad eundem Accaron obeuntes, (ut malæ valetudini Regiæ vel gratiam sanitatis vel incolumitatis auguria reportarent,) minas jactare, terrores & pericula vehementer denunciare, metum inferre, non destitit? ablegatam verò pro se inſtatam nec ferendam quinquagenariam Militum turbam iteratis vicibûs consumi igne de cælo fecit? Cum expedita tandem iterum atq; iterum simili pariq; numero cohorte adfuit & Ipse resipiscentiam sperans per duplicata miracula tanta, verum nullam veræ Religioni deditiorem videns, hæc verba plena ardoris laudandi DEI unius, plena Justitiæ locutus est ei; *Hæc dicit Dominus, quia misisti Nuntios ad consulendum Deum Accaron, quasi non esset Deus in Israel, a quo posses interrogare sermonem, ideo de lectulo super quod ascendisti, non descendes, sed morte morieris.* At, quid ego ita protero, Nonne sufficiet ad Justitiam quòd Spiritum DEI in prædicendis futuris contingentibus habuisset? Nonne justum esse dicatis, qui locum illum, locum celestem in terris, de quo Protoparentes Nostri propter delictum expulsi, occupare & possidere dignus inventus est? Verè Justitiæ speculum ELIAS!

Nunc comprobasse videretur; Justū ELIAM fuisse, dixisse opinor; innocentiam servasse, offensam Dei omnibus vitasse viribûs; pronuntiasse exilimo, protulisse deniq; summo-pere conatum fuisse ut DEUS laudetur, recordor. Restat

pro-

proinde dicendum Speculum Iustitiæ ELIAM esse, in quo videntur ea, quibus gloria DEI propagari potest. Patet ne jam & habet id assensum Vestrum? habeat oro Vos, pervasosq; simul esse volo, si aliquam adhuc augendi Cultus Divini inveneritis rationem, illam me in ELIA ostensurum esse. Alteram verò Orationis aggreßuri partem, intelligetis & ex consequenti meliorem evidentiam Antecedentis, & ex Antecedente consequens aliquantùm patebit.

Mandatum, memoriæ Vestræ esse arbitror, quod dicendum altera Orationis Parte constituerim, hæc nempe omnia in ELIA videri, quæ ad felicem reddendum hominem exigi possunt. Quid autem felicem hominem reddere possit, dum perpendo diligentius: aliud esse id quod felicem facit hominem, aliud quo felix efficitur homo, animadverto, utrumq; tamen ad felicitatem perfectam desiderari censeo, & primum in virtutis operatione exiltere, alterum in ipso DEO à Quo omnis pendet felicitas, seu visione Ejus, videtur certò certius. Verùm de altera non dicendum censui, cum hæc omnino ut in præmium consequatur primam, necesse est; Cum autem saltim imperfecta ab ea proveniat, quæ consistit in cognoscendo, amando, & pro suo modulo imitando Optimo Illo mundi Principe, de hac aliquid dicendum constitui, & affirmandum duxi, ab ea felicem in hac vita posse fieri hominem. Equis enim non dicat, illum felicem appellari debere & esse, qui Creatorem suum & Factorem omnium rerum in sublinari existentium cognoscere desideraret? si verò cognoscere desideraret? amare vellet, (non aliter enim nisi amore illum cognoscere posse



Viri sapientissimi dicite) si deniq; cognoscere de fideraret & amare vellet? quomodo ad sequenda vestigia Illius non incenderetur pro modulo suo.

Alterum est reddens hominem felicem virtus, hanc verò inde felicem reddere hominem à vobis intelligi volo, quòd illa duce assequi possimus hoc, quo felices efficeremur. Etenim quo alio præterquam hancce virtutem ellici felices possemus, nequaquam inveniri potest, nequaquam esse, Vos & omnis rectè sentiens affirmabitis. Non inquam habemus quidpiam tale, quo redderemur beati præter virtutem, cùm nihil sit aliud, quod Nos ad illud, quo felices dici meremur, ducat; nisi unica virtus. Non Nos opes non honores non alia fortunæ munera beare possunt, cùm beatitudinem nullam omnino habere cognoscantur, si verò non habere cognoscuntur? quomodo Nobis id largirentur, quo ipsa sunt destituta? Enimverò si opes respexerimus & divitias illæ sunt, quas utiq; consequitur cura fervandi, sitis augendi, timor amittendi, illæ sunt, quæ segnitiei lomenta, litium rixarumq; incentiva, malorum irritamenta dicuntur, illæ sunt, quæ virtutum semen suffocant, & quæ à Christo Veritate Æterna spiritus comparantur. Si honorem recogitaverimus, ille est, qui nunquam stabilis sed inanis, & ex opinione hominum pendens, qui cum labore possidetur, cum invidia conspicitur, qui eos quos exornat, onerat & premit abiq; dubio, is deniq; est quo possesso nemo potest carere dolore. Quomodo ergo felicitas appelletur? Neq; etiam alia fortunæ munera, (credite mihi) Nos felices reddere possunt, millena namq; documenta adferrem, si opinarer aliquem Vestrum huic non assensurum

fide-  
tiglia

surum esse, virtutemq; tantum existeret qua felices es-  
sificimur, non dicturum.

nanc  
ligi  
ices  
vir-  
po-  
affir-  
red-  
iud,  
cat;  
alia  
nul-  
bere  
quo  
mus  
fer-  
quæ  
alo-  
tum  
spi-  
ille  
ho-  
in-  
t &  
o po-  
tur?  
Nos  
enta  
len-  
m

Hæc vix ore loquor, illicò subit mentem & ani-  
mum meum lætitia, & ut perpendo non vana certè.  
Liquidem constat Vobis demonstrasse me prima Orati-  
onis Parte in ELIA Justitiam, nunc cum in virtute res  
esse visa; quanta facilitas, quantum commodum! (Su-  
peri mihi illud omnino prospexisse debuerant) quan-  
tum inquam commodum in dicendo & continuanda  
dictione mea sum nactus! dimidium enim jam dictio-  
nis pro declaranda veritate ista, quam Parte hac pro-  
bandam duxi, dixisse dicatis, Vos saltem firma reti-  
nentes memoria, quod Justitiam idem esse ac omniū vir-  
tut i Sedem affirmaverim.

Conijcite nunc oculos,  
conijcite non istos jam pietatis & reverentiæ Sanctis  
debitæ plenos, sed illos acutissimos veritatis Indaga-  
tores, in PARTRIARCHAM Divinissimum, & non du-  
bito quin esse in Eo observetis, hæc, quæ ad felicem  
reddendum hominem valent, virtutem omnem vide-  
te, videte amorem DEI, qui nec verbis exprimi potest,  
imitationem Christi Domini & vestigia vitæ Ejus in  
ELIA videte. Est dasacto quod videri possit, quod mi-  
rari oporteret in Speculo isto; Lectio enim in eo vi-  
tæ sanctæ peractæ visioq; rerum gestarum conferret plu-  
rimum, esset satis usq; ad sensûs oblectamentum o-  
pus clementiæ & miserationis mulieri viduæ factum.

Verum enim vero ponamus in medio Speculum  
istud, inspiciantq; illud Fidei veræ Cultores gloriâ  
Uni illiq; Vero tribuentes DEO, stant tandem De-  
sertores ejus, stant Reges illi, quibus coram sepissimè  
se se exponebat antea, & in se illis felicitatem videri  
vole-



volabat. videant, ut ELIAS DIVINISSIMUS Vidua  
Filium, à mortuis suscitatur, modumq; porrigit vincen-  
di mortem, ut frangit portam inferi vi & robore vi-  
tæ suæ sanctæ solitariae, ut futurū ad vitam reditū  
dat praxi specimen, ut primus Ille omnibus immor-  
talem animam esse ostendit & asserit: Quibus non ne  
omnes incendi potuissent ad amandum DEUM & ope-  
randam virtutem, quo sibi felicitatem accerferent?  
non ne jam hæc vident, quæ ad illos felices faciendos  
valerent?

Vos Viri Ornatissimi, quò hæc ma-  
jora videntur, eò meliore animo Orationem meam au-  
dire convenit, neq; quam variè & humiliter dicatur,  
attendere, sed omnia sua Magnitudine metiri non Ver-  
borum magnificentia & ornatu. An non magnum &  
evidens felicitatis indicium fuerat ELIAS DIVINIS-  
SIMUS, cum proposuerit bovem immolandum esse, al-  
terumq; Vero Numini per Se, alterum fictæ Baal ima-  
gini per suos Pontifices sacrificandum: & cujus absq;  
ullo ignis fomite cremaretur, ab eo omnes erga su-  
um Numen inflammandos. Magna forsitan loquor Vo-  
bis? rapimini in admirationem? meritò; incredibile  
quid videtur? expectate & spectate exitum rei. Præ-  
cunt Pontifices Baal ad mactandum bovem, fatigant  
eum precibus, ut eorum saveat conatibus; Attendite  
diligentiùs, movetur ne eorum precibus, flectitur ne  
lacrymis? nequaquam; quia nequaquam potest. Præ-  
stolatur saniores sensum eorum ELIAS DIVINISSI-  
MUS, desiderans ut posthabito errore gentili, fidem  
quæ est unica, amplecterentur constanter. Cum verò  
neutquam effectum videre se posse advertit, accedit  
celerius ad suam victimam, illaq; ter aquis persusa

vix

vix tetigit Cælos fufpiriis, illico tantum excitavit ignem, ut tota candida inflammaretur exnunc. Stupendum prodigium! quis illud non dicat felices omnes facere potuiffe, manifestando Verum DEUM, manifestando Omnipotentiam Ejus, patefaciendo tantam virtutem ELIÆ DIVINISSIMI. Nam si has non iustinuiffet Partes ELIAS Dñus, potuiffet Univerfus populus in communi errore periiffe, ficq; æternum infelicitatis particeps extitiffe. Præterea AA, compertum Vobis omnia Opera ELIÆ ad Cultum Veri DEI directa & ordinata fuiffe, fin autem ita omnia agerentur ab omnibus, si hoc singulariter appeterent finguli, quam felices dicere oporteret! Verum non vagabitur Oratio mea longius, prætermitto cætera, quæ sunt & infinita & maxima ad patefaciendam mentem meam. Multa alii Superioribus dixere Annis, multa Vos audistis prædicari, multa fortasse legistis aliquando, quæ Viri doctrinâ præstantes diligenter & accurate conscripta exposuere luci publicæ, quæ omnia cum animo & memoria repetieritis, non dubito quin statuat ELIAM Justitiæ esse speculum, in Quo videntur univërfa, quæ honori Divino promovendo magis magisq; debentur, in Quo relucent omnia, quæ hominem felicem facerent, quod ego pro proffe pobasse videor.

Et cum jam Sanctum Patrem omnia perfectissime egiffe dixistis, jam jam mecum finem dictioni ponente & Sacerrimos Filios Ejus idipsum præstare, affirmate. Illi enim sunt, illi trecenti Viri cingulô sanctitatis præcincti in Monte residentes CARMELI, quos ELIAS ad veræ fidei defensionem habuerat, & quos propagandi Cultus Divini atq; faciendi felices Univer-







us  
em  
s,  
n-  
ni-  
ua  
ûs  
i-  
x-  
li-  
e.  
at  
u-  
u-  
i-  
&  
Co  
io  
am  
em  
s :  
ra  
us  
re  
les  
am  
li-  
eri  
rui



